

Inuuussutissarsiutigalugu piniartut nannuttamik amiinik qapiartitsisarnerannut suliaritinneqarneranut akiusut malillugit akilerneqartarneranut akiliutaasup 50%-anik taperneqartalernissaannik, ilanngullugu angallanner Naalakkersuisut peqquneqarnissaannik Inatsisartut aalajangiiffigisassaattut siunnersuut. Nunat tamalaat nannut amiinik piniartut niueruteqarsinnaanerat inerteqqtigaat, taamaalilluni piniartut nannut amiinik tunisisinnaanerannut perarfissaarunnerannut taarsiutitut tapiissut siunertaqarpoq.

(Inatsisartunut ilaasortaq Jens NapātōK', Partii Naleraq)

Akissuteqaat

(Inuuussutissarsiornermut, Nukissiuuteqarnermut Ilisimatusarnermullu Naalakkersuisoq)

Siullermeerneqarnera

Naalakkersuisut sinnerlugit Inatsisartunut ilaasortaq Jens NapātōK' nannut amiisa qapiarlugit suliarineqarnerannut tapiissutinik atuutsitsilernissamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuuteqarneranut qutsavigaara.

Inuuussutissarsiutigalugu piniartunut atugassarititaasunut killissaliussanik pitsaasunik pilersitsinissaq Naalakkersuisut inuuussutissarsiornermut politikiannut ilaavoq pingaauteqartoq, tassani taakkua sinerissami inuuussutissarsiornерup ineriantorneranut suliffissanullu tunngavileeqataammata.

Naalakkersuisut Kalaallit Nunaata Ammerivia A/S-imut, puisit amiinik tunitsiveqarnermik isumaginnittuusumut, ingerlaavartumik kiffartuussinermut isumaqatigiissuteqartarpuit. Kiffartuussinermut isumaqatigiisummi sinerissami inuuussutissarsiutigalugu piniartut puisit amiinik tunisisarnissamut perarfissaqarnerat qulakkeerneqartarpooq.

Puisit amii tunisat, 2019-imi qaammatit pingasukkaat pingasut siilliit, 2018-imi piffissamut taamaaqataanut sanilliullugu 6 %-erluinnangajannik amerlisimapput.

Oqaluttuarisaanikkut isigalugu Kalaallit Nunaata Ammeriviata A/S-ip aningaasaqarnera arlaleriarluni unammillernartumiittarsimavoq. Taamaalilluni ukiuni 2009-imi, 2010-imi, 2011-imi, 2012-imi, 2013-imi, 2014 aamma 2015-imi aningaasaliisoqartarsimavoq. 2015-imiilli aningaasaatinut aningaasaliinissaq pisariaqartinneqarsimangilaq. Taamaalilluni Naalakkersuisunit qanimut malinnaaffigineqarluni, aningaasaliissutinut killiliussat iluanni aningaasaqarneq aqunneqarsinnaasimavoq.

Kalaallit Nunaata Ammeriviata A/S-ip aningaasaqarnikkut tunngavissai 2015-imiilli aningaasaliissutinut killiliussat iluanniitinneqarsinnaagaluartut, ingerlatseqatigiiffiup aningaasaqarnera suli tatisimaneqarpoq. Tamatumunnga ilaatigut pissutaavoq Kalaallit

Nunaata Ammeriviata A/S-ip aningaaserivimmi aningaasanik tigoriaannarnik akiitsortarnerata ukiumut 2 mio.-inik annikillisinneqartussaanera.

Taamaattumik siunnersuut piviusunngortinneqassappat, Kalaallit Nunaata Ammeriviata A/S-ip isertitassaagaluinut annaaneqartussanut aningaasaqarnikkut matussusiinissaq pingaaruteqarpoq.

2008-imiit 2018-imut nannuttassiissutit 130-iniit 156-inut nikerarsimapput. Agguaqatigiissillugu ukiumut pisassiissutinit 94 %-it missaat pisarineqartarsimapput.

Kalaallit Nunaata Ammerivia A/S paasissutissiivoq, nannut pisarineqartut 15 %-iisa missaat qapiarlugit suliarineqartartut.

Nannut amiisa qapiarlugit suliarineqarnerinut akigititap 50 %-anik tunisinermut tapiissuteqartoqartarnissaa Inatsisartut kissaatigissappassuk, ammit qapiagassatut nassiunneqartartut amerlissasut naatsorsuutigineqassaaq. Taamaattumik pisariaqartitsisoqassaaq aningaasaliissutinik aningaasarutuutinut matussutaasinnaasunik, aaqqissuussineq kinguneqassappat ammit qapiartinneqartartut amerleriarnerannik.

Taamaattoq qanoq pisoqaraluarpuunniit siunnersuut aningaasaqarnikkut killiliussat killeqartut iluanni piviusunngortinneqartussaassaaq, aammalu Inatsisartut tamanna kissaatigissappassuk, tamatuma aningaasanut inatsimmut allannguutissatut siunnersuutit ilanngunnissaa Naalakkersuisut piareersimaffigaat.

Taamatut oqaaseqarluta Naalakkersuisut siunnersuutip akuerineqarnissaa inassutigaat.